



UNIVERSITÄTS-
BIBLIOTHEK
PADERBORN

Vitæ D. N. Iesv Christi Monotessaron Evangelicum

Heser, Georg

Monachii, 1657

Leprosi.

Nutzungsbedingungen

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

I. **F**actum est, cum intraret Iesus in domum cuiusdam principis Phariseorum sabbato manducare panem, & ipsi observabant eum. Et ecce homo quidam hydropticus erat ante illum. *Luc. 14. v. 1. & 2.*

II. Et respondens Iesus, dixit ad legisperitos, & Phariseos, dicens: Si licet sabbato curare? At illi tacuerunt. Ipse vero apprehensum sanavit eum, ac dimisit. *Luc. 14. v. 3. & 4.*

III. Et respondens ad illos, dixit: Cujus vestrum asinus aut bos in puteum cadet, & non continuo extrahet illum die sabbati? Et non poterant ad hæc respondere illi. *Luc. 14. v. 5. & 6.*

Leprosi.

MEDITATIO CXVII.

Leprosus tactu sanatur à Christo.

I. **C**um descendisset Iesus de monte, secutæ sunt eum turbæ multæ. *Matth. 8. v. 1.* Et factum est, cum esset in una civitate, *Luc. 5. v. 12.* venit ad eum leprosus, *Marc. 1. v. 40.* vir plenus leprâ, & videns IESUM, *Luc. 5. v. 12.* adorabat eum, *Matth. 8. v. 2.* genu flexo, *Marc. 1. v. 40.* & proci-
dens in faciem, rogavit eum, dicens: Domine.

ne, si vis, potes me mundare. *Luc. 5. v. 12.*

II. IESUS autem misertus ejus, extendit manum suam; & tangens eum, ait illi: Volo. Mundare. *Marc. 1. v. 41.* Et confestim mundata est lepra ejus. *Matth. 8. v. 3.* Confestim lepra discessit ab illo. *Luc. 5. v. 13.* Et cum dixisset, statim discessit ab eo lepra, & mundatus est. *Marc. 1. v. 42.*

III. Et comminatus est ei, statimque ejecit illum, & dicit ei: Vide, nemini dixeris. *Marc. 1. v. 43. & 44.* Ipse præcepit illi, ut nemini diceret, sed; Vade, ostende te sacerdoti, (principi sacerdotum, *Marc. 1. v. 44.*) & offer pro emundatione tua, (munus, quod præcepit, *Matth. 8. v. 4. &*) sicut præcepit Moyses, in testimonium illis. *Luc. 5. vers. 14.*

IV. At ille egressus cœpit prædicare, & diffamare sermonem. *Marc. 1. v. 45.* Perambulabat autem magis sermo de illo: *Luc. 5. v. 15.* ita ut jam non posset manifestè introire in civitatem, sed foris in desertis locis esset. Et conveniebant ad eum undique *Marc. 1. v. 45.* turbæ multæ, ut audirent, & curarentur ab infirmitatibus suis. Ipse autem secedebat in desertum, & orabat. *Luc. 5. v. 15. & 16.*

MEDITATIO CXVIII.

*Decem leprosi mundantur: unus
gratias agit.*

I. ET factum est, dum iret in Ierusalem, transibat per mediam Samariam & Galilæam. Et cum ingrederetur quoddam castellum, occurrerunt ei decem viri leprosi, qui steterunt à longè: & levaverunt vocem, dicentes: Iesu præceptor, miserere nostri. *Luc. 17. & 11. 12. 13.*

II. Quos ut vidit, dixit: Ite, ostendite vos sacerdotibus. Et factum est, dum irent, mundati sunt. Unus autem ex illis, ut vidit, quia mundatus est, regressus est, cum magna voce magnificans Deum. Et cecidit in faciem ante pedes ejus, gratias agens. Et hic erat Samaritanus. *Luc. 17. & 14. 15. 16.*

III. Respondens autem Iesus, dixit: Nonne decem mundati sunt, & novem ubi sunt? Non est inventus, qui rediret, & daret gloriam Deo, nisi hic alienigena. Et ait illi: Surge, vade; quia fides tua te salvum fecit. *Luc. 17. & 17. 18. 19.*